

東方雜誌

第十八卷

第十七至二十号

(1921年9月—1921年10月)

上海書店出版社

東方雜誌

第十八卷

第十七至二十号

(1921年9月—1921年10月)

上海書店出版社

東方雜誌

中華郵政特准掛號認爲新聞紙類
每季郵費四角

第八十卷 第十七號
民國十年九月十日發行

△本號要目▽

新政之價值

戰後新興國研究(南斯拉夫)

英國煤礦罷工及其社會革命的意義

國際聯盟第二屆議會之開幕

俄國之大饑荒

美國對德奧匈和議之經過

藝術獨立論和藝術人生論

文明進步之原動力

牛頓時代至恩斯登時代宇宙觀念之變遷

台我爾與東西文化之批判

現代日本文藝的特色

名家小說
——希臘謠夫達利阿諦思
——俄國都介涅夫

The Eastern Miscellany

Vol. XVIII, No. 17, September 10 1921

Commercial Press, Limited, Shanghai, China

上海商務印書館發行





東方雜誌

第十八卷 第十七號
民國十年九月十日發行

插圖

□三色版西洋新派畫『起賽』

□最近遇難之大飛艇R三十八號

□饑荒中之莫斯科(二幅)

評論

□新政治之價值……

□都市集中與農村改造……

□國際聯盟與華盛頓會議……

戰後新興國之研究(附地圖一)……

(三)塞爾維克羅西斯羅伐尼王國

文明進步之原動力及物質文明與精神文明之關係……

英國煤礦罷工底緣由及其社會革命的意義……

藝術獨立論和藝術人生論底批判……

自牛頓時代至恩斯登時代宇宙觀念之變遷(完)……

世界新潮(附圖九)

□國際聯盟第二屆議會之開幕……

□俄國之大饑荒……

□美國對德奧匈和議之經過……

□冰島與丹麥之關係……

□日本神戶造船廠之罷工事件……

慧心 (一一—三)

堅瓠 (三一—四)

羅羅 (四—六)

羅羅 (七—九)

三無 (一九—二九)

漢俊 (二九—四四)

唐雋 (四四—五〇)

文元模 (五〇—五七)

W (六九—七二)

T (七二—七三)

W (七三—七四)

W (七四—七六)

T (七六—七六)



新思想與新文藝(附圖三)

- 台我爾與東西文化之批判……………愈之(九—八三)
- 現代日本文藝的特色……………無數(八三—八五)
- 希爾台勃蘭的美學……………惟志(八五—八六)

科學雜俎(附圖四)

- 辨證血統之新法……………
- 四足之鳥……………
- 說電光……………
- 航空界之垂直上昇機……………
- 鳥飛之速率……………


讀者論壇

- 學術團體組織中的一件緊要事項……………陳仲弘(九三—九四)
- 理想的醫生底分配和營業廢除……………許贊喬(九四—九六)
- 地方報之編輯……………任白濤(九六—一〇〇)
- 神父所孚羅紐斯 希臘葛夫達利阿諦思著……………周作人(一〇一—一〇九)
- 老婦人(散文詩) 俄國都介涅夫著……………松山(一〇九—一二〇)
- 最錄……………(一二一—一二六)

- 太平洋會議與我國提案……………
- 菲律賓海法案節略……………
- 中國人物畫之變遷……………
- 法令……………(一二七—一三〇)


- 東省特別區域法院繙譯官官俸條例……………
- 修正法院書記官官俸條例第二條第一款……………
- 修正法院書記官官等表第一行及第二行……………
- 民事公斷暫行條例……………
- 中國大事記……………(一三一—一三三)
- 外國大事記……………(一三三—一三五)

饑荒之中莫斯科




俄國農業區域。今年因患旱荒。陷於饑饉。因此使勞農政府不能不略變其政策。近聞政府已廢止買賣食料之禁令。如上圖莫斯科市場。已公然營業。下圖一共產黨軍官亦在市場購買牲畜。惟屯積居奇。及轉賣取利。則仍在嚴禁之例云。

號八十三R艇飛大之難遇近最



英國於數月前
為美國代造飛
艇R三十八號。
供橫渡大西洋
航行之用。計長
六百九十五呎。
闊八十五呎。能
載重八十三噸。
較最大之徐伯
林飛艇容量更
大。實為世界航
空事業之翹楚。
此圖即其在廠
建造時之攝影。
不意該艇於八
月下旬第一次
在倫敦試飛。三
十五小時後。艇
內機器炸裂。全
艇下墜。乘客四
十九人中。遇救
者僅數人而已。
損失之巨。為近
來所希有。不可
謂非飛行事業
之一大打擊也。



評論

新政治之價值

慧心

自歐洲大戰而後。各國始發見政治上之錯誤。無論對內對外。舉非根本變易政治上之觀念。無以圖國內之治安與世界之和平。黎朋著政治心理學。謂民族間之重大交涉。與夫國內人民之日常紛糾。如以政治心理解決之。則交涉可省。紛糾可弭。政治心理云何。釐訂政治上之觀念者也。曰國家。曰政府。舉為增加個性發展之機會之物。而前此論者。則以國家與政府為立於神與權威之上之物。神藉制度以箝制人民。權威藉暴力以征服弱小。於是國家與政府純為階級本位。專制本位。而個性乃日隣於麻木矣。人舉真有個性者也。社會由個性而成立。社會如布帛。個性如絲縷。取去絲縷。布帛奚存。社會之半面為

制度。制度之半面爲法律。法律者乃吸取羣衆公意而予人民以治安者也。然則法律之本質。爲個性之集合。故社會表似通性。實乃個性。通性不過一概念而已。舉凡法律制度秩序。推而至於國家社會主義。國際聯盟種種。苟離去個性。則一切皆虛。故凡國際競爭國內競爭云云。質言之。實個性競爭也。國家與政府。所以有存在之價值者。正以其能多予個性以發展之機會。使反其所爲。而日以神權與暴力摧殘個性。則國家與政府。不僅爲贅物。實一公蠹而已。個性之最顯著而最發達者。爲享樂欲與支配欲。(enjoy and to rule) 無享樂則無欲望。無欲望則無活動。無活動則無生命。此享樂所以爲本能之特質者也。支配即自己主張之別名。自己主張乃意識體之總相。此支配所以又爲本能之一特質也。本能人所自具。只可利導。不可汨沒。享樂欲與支配欲。既爲人人所不能無。而國家與政府。乃爲享樂欲與支配

欲之最熱烈者。寧可剝奪他人之享樂欲與支配欲。而獨壟斷之耶。豈惟未可壟斷。正以自身享樂欲與支配欲張熾之故。益能體認他人之享樂欲與支配欲。未可一時受他力之壓迫。而謀所以迂徐曲達之。政府之於人民宜然。國家之於國際亦莫不宜然。夫而後治安可期。和平可保也。

所謂根本變易政治上之觀念者。即政治所託命之國家與政府。原爲增加個性發展之機會之物。使國家與政府而不能舉是職責者。則或謀所以改良之。或根本推翻之。而別立一種善良之組織。皆所不避。要其鵠的。務使個性不受汨沒或壓迫而後已。於是前此奉國家與政府爲無上命令之觀念。一變而爲視國家與政府與他種組織平行之觀念。前此奉爲神與權威之代表機關之觀念。一變而爲促進個性發展之代表機關之觀念。前此由個體到羣體之觀念。一變而爲由羣體到個體之觀念。機械之觀念。一

變而爲自由之觀念。他動之觀念。一變而爲自動之觀念。新政治之價值。至是乃大著明。此則全恃人民之自覺與奮鬥。而非所望於今之執政者也。

都市集中與農村改造 堅 瓠

都市集中。爲工商業發達以後之自然產物。而吾國以年來內亂之頻仍。凡資產階級之避兵禍。與勞動階級之求職業。大都以租界爲目的地。而一般青年。因新教育之結果。而欲望增高。亦多不滿於內地之生活狀態。故都市集中之趨勢。益復爲加速度之進行。此徵諸最近上海房租之激增。與夫衣食日用之費。皆倍徙於疇昔。即可以證吾說之非誣者也。

都市集中之弊害。如貧民之衆多。死亡率之增高。道德之墮落等。殆皆爲吾儕親身之經歷。而無待於列舉。故歐美社會學者。近多創田園都市之說。以改良都市住民之現狀。雖然。此猶就都市之本身而言之。

也。實則都市集中之爲害最烈者。尤在將全國之資本勞力。吸收於少數之大都會或大事業。使田野荒蕪。食糧匱乏。而農村之自治與教育。皆無人過問。蓋一國之繁榮。在其國之富力爲均等之分配。與各種之事業爲均等之發達。斷非一二大都會之畸形發達所能代表。英法各國。所謂以工商業立國。而負富庶之名於天下者也。然大戰以後。猶感於農產物之缺乏。而悟都市集中之非計。况夫吾國尙未改其農業國之素質。現在之都市集中。不過一時病的狀態之表見。而非遵工商業發達之順序者耶。

然都市集中之趨勢。除政治上之特別原因外。大都生計問題有以驅迫之。故欲救其流弊。尤當注意於農村生活之改造。徒爲還淳返樸之腐論無益也。如以自治團體之力。定農傭之最低工值與失業救濟。以農業協濟會之力。從事於生產法之改良。消費品之購置。與收穫物之賣出。此所以提高農民生活之

現狀者也。如學校本無附屬都市之必要。則可分設於各鄉。小規模之工業。尤多與農民生活相宜。亦可

大著。有志於實事求是之社會改革者。可以知所取法矣。

國際聯盟與華盛頓會議 羅 羅

爲酌量之輸入。照美國各州之立法。行政機關。且有分散於鄉間者。此所以增加農村事業之種類者也。又鄉村少年之好遷居都市。每以享受之便利與社交之樂趣爲誘因。故娛樂機關之設備。與社交生活之提倡。亦爲改造農村者所不應忽視。如是則農村生活。既能維持普通人民之原有職業。即對於新式人材。亦有其相當之容量。而都市集中之趨勢。自因而減殺矣。

復次。欲改造農村生活。以遏止都市集中之趨勢。其最後之力量。尤不得不賴個人之覺悟與團體之努力。英國有所謂「鄉村俱樂部運動」(Village Club movement)者。亦發起於私人之團體。據「十九世紀及其後」本年四月號之紀載。則此種運動。現已普及於英倫威爾斯及蘇格蘭之四十五州。而成效

在華盛頓會議開會之前夕。第二屆國際聯盟會議。又在日內瓦開會矣。回憶一年前。第一屆議會尙未開會。吾人對此未生兒。具有無窮之希望。方以爲見屈於凡爾賽者。必將見伸於日內瓦。庸詎知此初生之國際聯盟。乃爲一畸形兒。不特吾人所熱望之山東問題。無從提出。且聯盟本身。亦幾無活動之實力。曾幾何時。吾人對於曩昔膾炙人口之國際聯盟。竟全失其信仰之心。近且移所望於過去之聯盟議會者。以屬望於未來之華盛頓會。故日內瓦會議雖重又開幕。而吾人對之。則固已淡焉若忘。曾無復繫戀之念矣。

謂國際聯盟而無絲毫之成績乎。則亦未必盡然。自

聯盟成立兩年以來。議會開會已二次。理事會開會已十四次。此外由聯盟召集之特別會議。有不魯日之國際財政會議。又有巴色洛尼之國際運輸會議。又如瑞典與芬蘭之爭端。波蘭與立陶宛之戰爭。皆賴以弭平。戰爭俘虜之藉聯盟之力。以復回故國者。達三十五萬人。東歐窒扶斯疫。因聯盟理事會之救濟。而始絕滅。丹麥與薩爾區域。已完全處聯盟統治之下。奧國財政。幸賴聯盟之扶持。始免於破產。故自表面觀之。二年來聯盟之所成就。不可謂不多。然猶不能滿吾人之望者。其故何哉。蓋吾人對於聯盟之最初屬望。乃在創立國際正義。以代舊式帝國主義之外交。觀諸聯盟成立後之行動。則殊不然。聯盟理事會非特不能擁護小國之正義。且事事皆仰三五強國之鼻息。以行。以言其國際制裁能力。則并過去之海牙平利會而亦不如。聯盟之所能爲者。除開幾次形式的會議之外。惟瑣屑之救濟事務而已。本屆

議會中。坎拿大代表杜赫的 (Doherty) 在會場演說。謂聯盟近已逐漸退化。而成爲一種營慈善事業之機關。夫慈善機關之國際聯盟。則又豈吾人最初之所望乎。

英國代表貝爾福氏在本屆議會亦發悲觀之論調。謂聯盟之重要職務。本在解除軍備。今則世界之大軍備國大製造國。尙見屏於聯盟之外。欲求聯盟支配國際軍備及武器製造業。尙可得乎。觀於此則聯盟之僅存軀殼而無實質。已不難概見矣。總之聯盟之失敗。實由於列強之無誠意。與舊式外交政策之未能打破。世界少數大國之帝國主義的見解。未能消滅。則國際正誼。終無由建立。而一切平和組織。徒成其爲具體的機關而已。

吾人對於國際聯盟。既已絕望。一線之希冀。遂不得不繫之於目前之華盛頓會議。華盛頓會議列席國家。雖不能如國際聯盟之衆多。然國際聯盟本爲美

國總統威爾遜所創議。而華盛頓會議則亦爲美總統哈定所發起。華盛頓會議以裁減軍備問題爲前提。其用意固無殊於國際聯盟。且列入華盛頓會議議案之遠東問題。實具有世界的關係。故謂華盛頓會議之任務。即國際聯盟之任務。亦無不可也。吾人誠不敢謂華盛頓會議將不免與國際聯盟獲同一之結果。以外交手腕而言。則哈定氏或較威爾遜氏差勝一籌。然吾人之所以懷疑者。則此未來之會議。是否能拋棄舊式之外交政策。是否能建立國際正誼。是否能維持小國之發言權。苟其不然。則此次會

議。固未必較國際聯盟。更能造福於吾人也。今日國人對於華盛頓會議。其希望之熱切。正與去年國際聯盟議會開會之前。情形相同。大概所望過奢。則其失望也亦彌甚。哈定氏之成功歟。抑威爾遜氏之失敗歟。此可以不問。要之在今日。尙非可與言國際之正誼。與弱國之權利。在巴黎然。在日內瓦然。在華盛頓亦無不然。所望國人充實內力。勉圖上進。勿長此靦顏。以受列強之處分。若昧於外交情勢。僅知操一豚蹄。以祝籌車。則惟小氣薄力之民族而後然也。



戰後新興國之研究

(續)

羅羅

三 塞爾維克羅西斯羅伐尼王國

(Kraljevstvo Srba, Hrvata, i Slovenica)

種族的起源

塞爾維克羅西斯羅伐尼王國。乃由戰前之塞爾維亞王國擴大而成。南斯拉夫民

族之居住地也。此王國內塞爾維 (Srba) 克羅西

(Hrvate) 斯羅伐尼 (Slovenica) 三種民族合併

而成。故定國名曰塞爾維克羅西斯羅伐尼王國。英

譯名 "Kingdom of Serbs, Croats and Slovenes".

簡稱曰 "S. H. S.". 亦稱南斯拉夫王國。有譯作尤哥斯拉夫或巨哥斯拉夫者。則皆南斯拉夫 (Jugo-Slavia) 之音譯也。

塞爾維克羅西斯羅伐尼民族。與保加利亞民族。同出於斯拉夫種。斯拉夫為亞里安族之一大人種。人口多至一萬八千餘萬。散佈於歐洲大陸。就其地理及語文之區別。又可分為三大支。曰東支。曰西北支。曰南支。而南斯拉夫。則屬於南支者也。茲將斯拉夫人種之分佈。列表如下。

斯拉夫種

- 東支……俄羅斯民族
- 西北支……波蘭、盧薩丁、捷克、斯洛伐克、摩拉維亞等民族

南支

- 居半島東部者……保加利亞民族
- 居半島西部者……塞爾維克羅西民族、斯羅伐尼民族

南支斯拉夫民族散佈於南歐及巴爾幹半島。以喀爾巴阡山脈以南及多瑙河流域。即古代伊黎里亞(Thracia)領土。爲其根據地。其移殖時期。殆不可考。大概當在六世紀之前。厥後爲日耳曼馬紮爾等民族所隔絕。遂分爲三大派。保加利亞人居於半島之東。其人口約五百萬。塞爾維克羅西及斯羅伐尼人。則居於半島之西。其人口約八百萬。戰後之南斯拉夫新國。即集合住居於巴爾幹西部之八百萬斯拉夫民族而成者也。

歷史的考察

考南斯拉夫民族在古代本爲加里細亞(Galicia)之農民。六世紀初。移植黑海之濱。嗣後更西進。越多瑙河。住居巴爾幹半島之西北

隅。後斯拉夫民族應東羅馬帝國皇帝之招請。徙植巴然丁帝國之西南部邊地。以防異族之入侵。然彼時南斯拉夫政治統一。尙未告成。各部落自相殘殺。戰亂相乘。歷四五百年之久。至一〇七七年。塞爾維亞國君波亭(Bodan)即位。并吞屬於希臘統治下之領土。於是國勢始逐漸擴大。脫離巴然丁帝國之統治。建立獨立王國。至十四世紀中葉。塞爾維亞王國版圖。幾佔巴爾幹半島之大部分。塞爾維亞門的內哥羅、波斯尼亞、亞爾巴尼亞、保加利亞之一部分。及希臘北部。均收入領域之內。儼然成爲歐洲一大帝國焉。

自是以後。即有土耳其軍之入侵。一三八九年。哥沙華(Kosovo)之戰。塞軍爲土耳其所敗。一蹶不振。國土遂爲外敵所蹂躪。十四世紀之末。巴爾幹半島全爲土耳其所并。南斯拉夫民族。處於阿託曼帝國(Ottoman Empire)統治之下者。垂四百年云。

十九世紀初葉。歐洲民族思想大盛。處土耳其治下之歐洲民族。紛起以謀獨立。南斯拉夫人之復國運動。較諸他民族。尤無遜色。一八〇四年。塞爾維亞人乘土耳其朝政混紊。舉兵叛亂。選舉著名之喀拉喬治 (Tzumi Givorge or Kara Georgevich) 卽黑喬治爲大元帥。編練軍隊。與土軍交戰。土皇不得已。遂於一八〇七年。許塞爾維亞自治。并承認黑喬治爲其民族之領袖。惟彼時俄土戰爭開始。塞爾維亞人得俄國聲援。拒絕與土政府議和。不幸至一八一二年。拿破侖侵擊俄國。俄政府不遑南顧。遂與土耳其言和。於是土耳其重行佔領塞爾維亞全境。黑喬治及其將領出奔奧國。旋復至俄國。其時在國內有米洛許 (Milosh Abrenovitch) 者。率兵降土耳其。土政府遂任爲塞爾維亞之統治君主。然未及二載。米洛許復舉兵以叛。土政府不能抗禦。至一八一七年。遂承認塞爾維亞爲自治國家。處土皇指揮之下。至一

八六九年之俄土條約。復承認塞爾維亞人得享有完全自治權。然其時自治領地僅限於中部塞爾維亞之一隅。境內要塞。尙由土耳其軍隊衛戍也。未幾。至一八七六年。波斯尼亞之塞爾維人叛變。塞爾維亞援助其同種。遂與土政府宣戰。一八七八年之柏林條約。正式宣布塞爾維亞爲完全獨立國。以米蘭 (Milan) 爲國王。於是南斯拉夫民族始脫土耳其之羈縻。然柏林會議本爲俄德奧諸大國之分配會議。故塞爾維亞在名義上雖獲獨立。而其領土要求。仍不能如其所願。大多數之南斯拉夫人種。仍處於異族支配之下。至一九一二年。第一次巴爾幹戰爭。塞爾維亞與保加利亞、希臘、門的內哥羅等國。聯成巴爾幹同盟。戰敗土耳其。奪復在土耳其統治下之大部分領土。翌年又因土地分割不均。發生第二次巴爾幹戰爭。保加利亞敗績。於是塞爾維亞乃獲得馬基頓 (Macedonia) 之一大片領土。其民族

國家有面積三萬三千九百方哩。人口四百五十餘萬。此戰前塞爾維亞民族獨立之情形也。

然彼時塞爾維亞處巴爾幹半島之中心。既無通海之要道。又無廣大之富源。在軍事及經濟上均不足以自立。且其同種克羅西與斯羅伐尼人。尙處奧匈及保加利亞之治下。故其民族志願。僅一小部分得獲伸展而已。且自二次巴爾幹戰爭後。奧國忌塞爾維亞之擴大。足爲其隱患。蓄恨甚深。悉以塞國大斯拉夫黨之煽動。兩國國交。遂亟亟不可終日。一九一四年六月杪。塞爾維亞黨人暗殺奧國皇儲。謀鼓動奧匈帝國屬下之斯拉夫人種。舉兵叛亂。於是曠古未有之大戰。遂因此爆發。戰爭之初年。塞爾維亞全境爲中歐同盟國軍隊所蹂躪。京城貝爾格勒特於一九一五年十月爲奧軍所佔。塞王彼得出奔希臘。政府則移住於高甫（Cetcyra）屬希臘。亞爾巴尼亞以西之一海島。然此時奧匈屬下之南斯拉夫民

族。謀脫離奧匈統治。出至國外。運動英美政府加以援助。并在英倫組織南斯拉夫民族委員會。要求建立南斯拉夫民族國家。而以舊塞爾維亞王國并入其中。至一九一七年七月二十日。塞爾維亞王國首相兼外交大臣巴許支（Nikola Pashitch）與南斯拉夫民族委員會會長德隆卑許博士（Dr. Anton Trumbic）聯名發表著名之高甫宣言。正式宣布塞爾維克羅西斯羅伐尼王國之完全獨立。宣言書計十三條。嗣後成爲新國憲法之張本。其最重要之數條如下。

（一）塞爾維克羅西斯羅伐尼國家（亦名南斯拉夫或巨哥斯拉夫）應爲自由獨立之王國。領土及權力均統一不能分割。此國家將爲立憲的民主的議會的君主政治。奉喀拉喬治王朝爲國君。國君當尊重人民之思想及感情。且事事應以民族的自由權及意志爲前提。